



OBOFIHO NO EH RU ZE

Ukokohọ Eme Ọ
Watson Goodman

Ọvhe—A re zẹẹ he

OBUFIHỌ NỌ EHRU ZE

“Obọfihọ nọ ehru ze” họ ukokohọ nọ ohwo rọ zuẹ ohwo eva eme ikereakere nọ erọ eva Baibol. Mẹ rọwo nọ odhesẹvẹ ẹme ikereakere na họ Baibol oma-obọ riẹ.

Eme Ọghẹnẹ o no obehru ze, ọ tẹ rọ obufihọ kẹ e nọ ohọ gbe uruame ẹrẹreokie ure kpe. Nọ ohwo kurẹrie se umuomu ba, oje zizie Jesu Kristi Ọnowo na nọ ọ ze ria eva riẹ, ọ tẹ jẹ jọ eva riẹ rọwo nọ Jesu Kristi họ Ọnowo gbe Osiwi riẹ, Ọnowo na ọ rẹ te rehọ oma via kẹe, Ọ vẹ jẹ ghale oghọghọ gbe udhedhẹ kẹe eva ẹwẹ riẹ. Mẹ fiẹrohọ onana eva omamẹ eva ukpe 1937, nọ anhwọ ẹdẹ oyena ze me ri siomano Ọnowo na ha. Me takẹ owhẹ re nọ wo re siohono ai kpobi kẹ E nọ Ọye họ Osiwi gbe Ọnowo ra ENENA, o tẹrọ nọ who ri ru erei hi.

—Watson Goodman

Uyoyou Oghene na

1

Rom 5:8

Reko onana Oghene oro ru uyoyou rie gba ke omai keme okeno ma gbe jo erahaizi, Kristi o te whu ke omai.

Jon 13:1

Wha o no Eha-Iwe-Onyavre o ri te he, yo Jesu o rie no oke rie u te no no o re ti ro no akpo na no kpobo Ose na epano o you ero obo rie nero eva o akpo na, o te you ai te umuo.

Eviavia 1:5

Je no obo Jesu Kristi, o se iseri uzeme na, ono oro otuye iwhu-whu, gbe ono oro osu ivie akpo na. Je ro ke oye no o you omai, ono o

ro aze obo rie ru omai emuye no izieraha mai.

Jon 3:16

Keme Oghene o you akpo na hro, o je reho Omovo rie ke, re kohwo kohwo no o rowo rie o gbe vre he reko o re wo uzuazo ebede bede.

Jerimaya 31:3

ONOWO na o te reho oma via ke ae eva o ugbo: Me reho uyoyou ebede bede me ro you owhe, fikiere me te ruere abo ho oruozewo me ke owhe.

Jon 15:13

“Ohwo ovo o wo uyoyou no o ro vi ona ha, re ohwo o siobono uzuazo rie fih o ot o fiki ez o rie.”

1 Timoti 3:16

Ma be ta nọ, oware udidi egago mai na o rẹ ruaro gaga: A jọ eva uwo fere iẹe via, jejọ eva Ezi dhese iẹi veve, otu ikọ-idhiwu a rue riẹ, ọ jọ udevie erẹwho ta usiuwoma, akpọ ọ rọwo riẹ, a tẹ rehọ iẹ kpo ehru eva oruaro.

Filip ọ tẹ ta kẹe nọ, "Olori, dhese Ọse na kẹ omai, re umu omai ẹro." Jesu ọ tẹ ta ẹe nọ, "Filip, mẹ avọ owhai a gbẹ rọ krẹkri; wha te riẹ omẹ hẹ? Ọ nọ ọ rue omẹ ọ rue Ọse na; kẹve who jẹ ta nọ, 'Dhese Ọse na kẹ omai'? Wha rọwo nọ mẹ rọ eva Ọse na gbe Ọse na ọ rọ eva mẹ? Eme nọ mẹ ta kẹ owhai o rọ nọ udu obọ mẹ

hẹ; rekọ Ọse na nọ ọ rọ eva mẹ ru iruo riẹ." —Jón 14:8-10

Matiu 1:22, 23

Whaọ enana kpobi e via, re ẹme nọ Ọnowo ọ ta evaọ unu ọruẹaro na ọ gba, a nọ: "Gaviezo, ọmọtẹ nọ ọ riẹ ọzae he o ti dihọ, o ve ti ye ọmọzae, a re ti se ode riẹ Im-anuel" (ọtọ ẹme na, Ọghẹnẹ avọ omai a rọ).

Jón 1:1 gbe 14

Eme na ọ rọ eva emuhọ, Eme na avọ Ọghẹnẹ a gbẹ jọ, Eme na Ọghẹnẹ. Eme na o te zihe ruọ ohwo, ọ tẹ ze ria udevie mai, ma rue oruaro riẹ, oruaro wọhọ ọmọ ọvo nọ Ọse na o ye, aruoriwo avọ uzeme e vọ riẹ eva.

1 Jọn 4:15

Kohwo kohwo nọ ọ rẹ te rọwo via nọ Jesu Ọmọ Ọghẹnẹ, Ọghẹnẹ ọ rọ eva riẹ ria, ọye oje rọ eva Ọghẹnẹ.

Aizaya 9:6

Keme a ye ọmọzae kẹ omai, mai a rọ ọmọ na kẹ re isuẹsu e jọ obọ riẹ; a veti se ei, “Ọkiroro Ogbunu, Ọghẹnẹ Ologbo, Ọsẹ Ebedẹ bẹdẹ, Ovie Udhedẹ.

Luk 1:35

Ukọ na ọ tẹ ta kẹ nọ, “Ezi Eri na o re ti bru owhe tha, ogaga Oride na ọ rẹ te rehọ uwoho ruru owhe; fiki ere, ọmọ nọ a re ti ye na, a re ti sei Ọrẹri, Ọmọ Ọghẹnẹ.”

Kolosi 2:9

Keme na eva oma Kristi Ọghẹnẹ ọ jẹ gbunu, eva riẹ na a je ru owhai gba kiete.

Matiu 17:5

Epanọ ọ be rọ ta na, koyehọ ẹgho ọlala jọ o te ruru ai, koyehọ uru jọ u te no evaọ ẹgho na ze, anọ, “Ọnana họ Ọmọ oyoyou mẹ, ọnọ ọ were omẹ hrọ; wha yo ẹme riẹ.

Jọn 10:36; 37

Wha rẹ ta kpahe iẹ ọnọ Ọsẹ oro mu o je vie ze eva akpọ na, nnọ ‘Whọ ta ẹme-aghọ’, fiki epanọ mẹ ta nọ, ‘Mẹ Ọmọ Ọghẹnẹ’? Oteronọ me gbe bi ru iruo Ọsẹ mẹ hẹ wha rọwo omẹ hẹ.

Jon 8:23

O te ta ke ae no, "Oto wha no ze, ehru me no ze, whai e ro akpo nana, me ro oro akpo onana ha."

Jon 11:25

Jesu o te ta ke e no, "Me ho ekparomatha gbe uzuazo: o no o rowo ome makọ o whu no, o re te zo."

Jon 13:13

"Wha bi se ome owuhre gbe Olori; wha rie se, keme ere me ro."

Jon 9:5

"No me gberọ eva akpo na, me ho elo roke akpo na."

Jon 6:35

Jesu o te ta ke ae no, "Me ho ebređi uzuazo; o no o bru ome ze

ohowo u re kpei hi, o no o rowo ome uru-ame u re kpei hi."

Jon 8:58

Jesu o te ta ke ae no, "Uzeme, uzeme, me ta ke owhai, no Abraham o te jo ho, yo ome ro."

Jon 10:7

Fikiere Jesu o te je ta ke ae no, "Uzeme, uzeme, me ta ke owhai, me ho unuethẹ igode."

Jon 4:25, 26

Aye na o te ta ke e no, "Me rie no, Mesaya o be tha (o no a re se Kristi); no o ze ino, o re ti dhese eware kpobi ke omai." Jesu o te ta ke e no, "Me no o be ta eme ke owhe na, me ho o he."

Matiu 21:19

Nọ ọ ruẹ ure ojo eva akoto edhere na, nọ ọ ja riẹ ruẹ oware ovo ho, rekọ ebe ọvo; ọ tẹ ta kẹe nọ, “No inenẹ vrẹ whọ gbẹ mọ ubi bẹde hẹ.” Ure ojo na o tẹ nwani lo.

Saimon o te yo nọ, “Baba, ma ruẹ uye okioke, ma tọlọ oware ovo ho! Rekọ epa ẹme ra, me re fi iriri na họ.” Nọ a ru onana no, a tẹ kua iyei buobu eva riẹ; iriri rai e tẹ jẹ bere. —Luk 5:5, 6

Ọ tẹ ta kẹ otu obuobu na re a keria ehru ẹbe na; Ọ tẹ rehọ ikulu isoi gbe imiyei ivẹ na, nọ o ri ehru no ọ tẹ lẹ, ọ tẹ bere ikulu na, ọ tẹ rehọ kẹ ilele na, ilele a tẹ rọ kẹ otu obuobu na. Ai kpobi a re eva e tẹ

vọ ae: a tẹ tọlọ ibro nọ ikiọkọ na, esa ikpegbivẹ evọe. Enọ ere na ite ezae idu isoi re eyae gbe emọ etẹ jariẹ. —Matiu 14:19-21

Matiu 20:30 gbe 34

Koyehọ, ituaro ivẹ e keria akoto edhere, nọ a yo nọ Jesu ọ be nyavre, a te bo nọ, “Ọmọ Davidi, ohrọ mai o re owhe.” ... Ohrọ o tẹ re Jesu, ọ tẹ rọ abọ te aro rai, a tẹ nwane ruẹ ude, a je lele iei.

Matiu 8:14, 15

Nọ Jesu ọ jẹ ze eva uwou Pita, ọ tẹ ruẹ oniaye riẹ o kieżẹ ọbe mọ okpomahọ; Ọ tẹ rọ obọ te obọ riẹ, okpomahọ riẹ o te kpo, ọ tẹ kparoma, ọ jẹ gba odibo kẹe.

Iruẹru Iko Na 2:36

“Ajo ekru Izrel kpobi a riẹ re umu ai ẹro nọ Ọghẹnẹ o ru Jesu ọvo ọ nana nọ wha kare where na họ Ọnowo gbe Kristi.”

1 Korint 1:9

Ọghẹnẹ ọ rẹ tẹrue, ọ nọ a rọ fiki riẹ se owhai ze ogbẹnyusu ọmọ riẹ Jesu Kristi Ọnowo mai na.

Efẹsọs 3:9

Re me ru ahwo kpobi ruẹ eware ididi anwae nọ i dhere eva Ọghẹnẹ nọ ọ ma eware kpobi.

Kolosi 1:16

Keme eva riẹ a jẹ ma eware kpobi, enọ erọ evaọ odhiwu gbe akpọ, enọ a rẹ ruẹ gbe enọ a rẹ ruẹ

hẹ kpobi, makọ ivie hayo etọ-ivie, hayo iride hayo idu-ogaga—fiki riẹ a rọ ma eware na kpobi jẹ rọ kẹe.

Hibru 1:2

Ọghẹnẹ . . . waọ enẹna Ọmọ riẹ ọ be rọ ta ẹme kẹ omai, ọ nọ o romu ọreuku eware kpobi, ọ nọ ọ rọ ma akpọ na re.

Rom 14:9

Keme fiki onana Kristi oje whu, jẹ jẹ rọ uzuazo re ọ jọ Ọnowo enọ i whuru gbe enọ erọ uzuazo.

Jon 1:3

Ọye ọ ma eware kpobi; eware nọ a ma na, a ma ọvuọvo ababọ riẹ hẹ.

Jesu Kristi họ Obrozie rai kpobi

7

Rom 2:16

Eva ẹde ọyena, okenọ Ọghẹnẹ o ti guẹdhọ edidi eva ahwo fiki usiwoma Kristi Jesu nọ me woro kẹ owhai.

2 Timoti 4:1

Me mu onana họ owhe obọ eva aro Ọghẹnẹ jegbe Kristi Jesu ọnọ o re bruozie otu uzuazọ gbe enọ i whuru, jegbe oma orọvia riẹ avọ uvie riẹ.

Iruẹru Ikọ Na 10:42

“O je fi uzi họ kẹ omai re ma vuẹ ahwo je se isei nọ ọ nana họ ọnọ Ọghẹnẹ o ro mu obruozie enọ erọ uzuazọ gbe iwhuowhu.”

Luk 3:17

“Ọnọ edhudhu ọrọ obọ riẹ, re o

ti hwere otọ uwou eka ivoro riẹ ziezi, jegbọ re ọ kua eka fihọ eru riẹ, rekọ ehọrọ ọ rẹte rehọ erae nọ i re fuẹ he maha.”

Fikieme who je bi bruozie omoni ra? Kọ fikieme whoje jọ omoni ra fiẹ na? Keme mai kpobi a ti dikihe aro akaba oziebro Ọghẹnẹ. —Rom 14:10

Matiu 25:32

“Erẹwho kpobi i re ti kuku aro riẹ ọ vẹ te herie ae ọjọ nọ ọjọ wọhọ epanọ othuru-igode ọ rẹ herie igode no ewe.”

Jon 5:22

Ọsẹ na o re bruozie ohwo ọvo ho, rekọ ọ rehọ oziebro kpobi họ obọ Ọmọ na.

Èta Nigbo na obọ Kristi ọvo o rọ

Hibru 7:25

Whaọ fiki onana o te wo ogaga nọ rẹ sai siwi ahwo kpobi nọ a rehọ fiki riẹ bigba Ọghẹnẹ, ọ ve jẹ rehọ kẹse kẹse lẹ olẹ kẹ ae keme ọ rẹ jọ bẹdẹ bẹdẹ.

Irueru Iko Na 4:12

“Jegbe usiwo o rọ obọ omọfa ha, ode ofa o gberọ otọ akpọ na nọ a rẹ sai ro siwi omai hi.”

1 Tẹsalonika 5:9

Keme Ọghẹnẹ o se omai ze ofu hu, rekọ re ma ruẹse wo usiwo fiki Ọnowo mai Jesu Kristi.

“Mẹ họ unuẹthẹ; oterọnọ ohwo jọ ọ rehọ omẹ ruọ eva, a re ti si yei, ọ rẹ tẹ ruọ eva, o ve noi, ọ rẹ te ruẹ emu-ore.” —Jọn 10:9

Jesu ọ tẹ ta kẹe nọ, “Mẹ họ edhere na, gbe uzẹme, gbe uzuazo; ohwo ọvo o bru Ọsẹ na ze he, rekọ fiki mẹ.” —Jọn 14:6

“Fikiere mẹ jẹ ta kẹ owhai nọ, ‘Wha re ti whuẹ evaọ izieraha rai’, keme wha gbẹ rowo nọ mẹ họ ọye he, wha re ti whuẹ evaọ izieraha rai.” —Jọn 8:24

Hibru 5:9

A te je ru ei gbunu re ọ ruẹse jọ umuhọ usiuwoma ebẹdẹ kẹ ahwo kpobi nọ i yo ẹme riẹ.

Galesha 1:4

Ọnọ ọ rehọ oma riẹ kẹ fiki izieraha mai, re ọ ruẹse si omai no akpọ omuomu ọnana, epaọ oreva Ọghẹnẹ ọsẹ mai.

Èta Nigbo na obọ Kristi ọvo o rọ

9

Luk 19:10

“Keme Ọmọ ohwo ọ ze te guọlo o siwi ọnọ ovru na.”

1 Kọrint 1:30

Ọ ye họ emuhọ uzuazọ rai eva Kristi Jesu, ọ nọ Ọghẹnẹ o ro ru areghẹ mai avọ ẹrẹreokie, ẹfuọ gbe ẹta mai.

Taitọs 2:14

Ọnọ ọ rehọ omariẹ kẹ omai re ọ ta omai no eyoma kpobi je ru ahwo riẹ fo kẹ oma riẹ enọ e rehọ oma rai kẹ iruo iwoma iruo.

Kọlọsi 1:12-14

Hẹ kẹ Ọsẹ na uyere, ọnọ o ru omai nọ ma jete ogba uku oriọ evaọ elo erezi na. O si omai no

ogaga ebi, ọ tẹ rehọ omai ze uvie Ọmọ oyoyou riẹ na, evaọ ọnọ ma je wo usiwo gbe ẹrọvrẹ izieraha.

Eviavia 5:9

A tẹ suọ ole ọkpokpọ anno, “Who teri nọ ọ rẹ rehọ obe na who ve rovie iwuhọ riẹ, keme na whẹ họ ọnọ a kpei whọ jẹ rọ azẹ ra ta ahwo kẹ Ọghẹnẹ ronọ k’oria k’oria gbe evẹrẹ gbe ahwo gbe orẹwho ze.”

Rom 3:23, 24

Epanọ ahwo na kpobi a raha uzi re no a gbe te obọ oruaro Ọghẹnẹ hẹ; a tẹ rehọ fiki aruoriwo riẹ wo okẹ unuzou, fiki ẹta nọ rọ eva Kristi Jesu.

Rom 5:9 gbe 11

Nọ a rehọ aze rię ru omai fo uno enęna, keve o re ti si omai no ofu Oghene viere te re. . . . Oroniko fiki ere ovo gbe he, rekọ ma re ghoghọ eva Oghene fiki Jesu Kristi Onowo mai, onọ ma rehọ fiki rię wo okugbe mai enęna.

Efesos 1:7

Onọ ma rehọ fiki aze rię wo ęta mai, gbe ęrovre eware iyoma mai, wọhọ epanọ ubu aruoriwo rię o rọ.

1 Jón 1:7

Rekọ re ma te be nya eva elo, wọhọ epanọ oye o rọ eva elo na, yọ oma wo oku-omagbe kugbe ohwo ohwo, aze Jesu Omọ rię ove wozę omai fo no izieraha kpobi.

1 Pita 1:18, 19

Wha rię nọ a ta owhai no idhere uvru nọ e reria owhai obọ nobọ ese rai ze, oroniko orọ eware ne re raha rọ idolofuafo hayo idolo-oro ho: rekọ orọ aze oghaghae Kristi, wọhọ orọ omogode nọ kare ęnyao hayo epe.

Hibru 9:14

Kọ eve o re ro ute re aze Kristi o nọ o rọ fiki Ezi ebede bede rọ oma rię gọ iwe nọ ekare a fuewe rọ ke Oghene, o re fa iroro eva rai fua no iruo iwhuowhu re wha gọ Oghene uzuazo.

“Keme onana họ aze me orọ ovo na, nọ o hwe ke ibuobu fiki ęrovre izieraha.”
—Matiu 26:28

Orọwọ rẹ kẹ usiwo Eva Kristi

11

Efẹsọs 2:8, 9

Keme aruoriwo a ro siwi owhai fiki orọwọ; oyena fiki oma-obọ rai hi, rekọ okẹ Ọghẹne— orọnọ fiki iruo ho, re ohwo ọvo ọ siọ eha ba ese.

Rom 5:1

Fikiere otẹrọnọ orọwọ uru omai fo uno, joma wo udhedhe kugbe Ọghẹne fiki Ọnowo mai Jesu Kristi.

Irueru Ikọ Na 16:31

A tẹ ta nọ, “Reroso Jesu Ọnowo na, a re ti siwi owhe, whẹ avọ ekru ra.”

Galesha 5:6

Keme eva Kristi Jesu oyawo hayo ababọ oyawo orọ erere ọvo

ho, rekọ orọwọ nọ o rọ eva uyoyou ru iruo.

1 Jọn 5:4

Keme koware koware nọ Ọghẹne o yẹ u re ru akpọ na ria; whaọ ona họ obokparọ nọ u re ru akpọ na ria, orọwọ mai.

Jọn 20:31

Rekọ a kere enana re wha rọwo nọ Jesu họ Kristi na, Ọmọ Ọghẹne gbe fiki orọwọ wha je wo uzuazọ evaọ ode riẹ.

Jọn 6:28, 29

Fikiere a tẹ ta kẹ e nọ, “Eme ma re ruẹ, nọ ma je ru iruo Ọghẹne?” Jesu o te yo kẹ ae nọ, “Onana họ iruo Ọghẹne, i no, wha rẹ rọwo ọ no o vize.”

Ilezi 103:17

Rekọ ehrọ iwoma ỌNOWO e rẹ te jọ ri bẹdẹ eva ehru enọ e rọ ozọ riẹ ẹdhe, ẹrẹreokie riẹ eva ehru emọ emọ.

Maeka 7:18

Ọghẹnẹ ọ ve ọ rọ wọhọ owhe, nọ ọ rẹ sae rehọ umuomu vrẹ o ve je ri iruthọ vo rọ kẹ ereuku riẹ nọ i kiọko? ọ rẹ yọrọ ofu riẹ bẹdẹ he keme o gwọlọ uyoyou nọ o rẹ hiẹ he.

Taitọs 3:5

O te siwi omai, orọnikọ fiki iruo ọriẹruo nọ oma ru hu, rekọ eva ogaga ohrọ riẹ, fiki ẹwozẹ ọrọ ọwariẹyẹ jegbe eru ọkpokpọ eva Ezi Eri na.

Ilezi 103:11

Keme ri epanọ odhiwu o kpehru vi akpọ, je ruere ohrọ riẹ o rọ kẹ enọ e be dhezọ riẹ.

Ilezi 108:4

Keme uyoyou ra nọ u re kpoho ho u kpehru vi ihru kpobi, ọteruo ra o te obọ idedeghe na.

Enuobruo 3:22, 23

Uyoyou owhawha ỌNOWO na u re serihọ họ, ehrọ riẹ i re wo urere he; Kohiohiẹ kobiohiẹ e rẹ jọ okpokpọ; ọteruo ra ọ rẹ ruaro.

2 Kọrint 1:3

Arọ ujiro kẹ Ọghẹnẹ jegbe Ọsẹ Ọnowo mai Jesu Kristi, Ọsẹ ohrọ kpobi jegbe Ọghẹnẹ omosasọ kpobi.

Matiu 11:28

Whai e ruẹ uye gbe enọ e wha owha ogbẹgbẹde kpobi, wha bru omẹ ze, mẹ rẹ kẹ owhai udhedhe.

Aizaya 1:18

Wha nyaze, ma jẹ iroro kugbe, enẹ ỌNOWO na ọ tae: dede nọ izieraha rai e ware wọhọ aze, e rẹ te fo wọhọ ukpoiwo, dede nọ e rọ wawae wọhọ ibosu, e rẹ te fua wọhọ olulu.

Eviavia 22:17

Ezi na avọ Ọva na a tẹ ta nọ, “Nyaze.” Jọ ohwo nọ o yo kpobi ọ za nọ, “Nyaze.” Whai e nọ uruame u re kpe a nyaze obone re wha mi ame uzuazọ na, okẹ ọvọvẹ rọ kẹ ahwo nọ a guọlọ e riẹe.

Luk 14:17

“Nọ oke eha na u te, o te vi odibo riẹ nya i se enọ a zizie na nọ, ‘Wha nyaze; keme eware kpobi egba no.’”

Aizaya 55:1

“O, whai enọ uruame u re kpe kpobi, wha nyaze, wha ti vo; nyaze, whai enọ i wo igho ho, wha te de re wha re; Wha nyaze wha de ame-ivie eruẹ gbe udi ababọ igho hayo unueki.”

Jon 7:37

Edẹ urere eha na, edẹ ologbo eha ha, Jesu o dikihe o te bo nọ, “Ohwo nọ uruame u bi kpe, o bru omẹ ze te da.”

Rom 8:14, 15

Keme utho ahwo kpobi nọ Ezi Ọghẹnẹ o re suo, ae họ emọ Ọghẹnẹ. Keme wha mi ẹzi igbo nọ owha rẹ rọ dhẹ ozọ họ; rekọ wha mi ẹzi nọ o ru owhai emọ, onọ ma je bo nọ, "Abba! Ọsẹ!"

Filipai 2:15

Re wha kare afuẹwẹ jẹ jọ enọ e foro, emọ Ọghẹnẹ ababọ afuẹwẹ eva evie oge ọbẹbẹ nọ ọ rẹ barosa ru iyoma eva enọ wha rẹ jọ udevie rai lo wọhọ ikpẹ eva akpọ na.

"Fikiere wha nya no udevie rai no, re wha jẹ heriẹ oma no ai no, ere Ọnowo ọ tai, wha rọ obọ te oware u gbegbe ovo ho; kẹsena me ve ti dede owhai rehọ, mẹ vẹ te jọ

Ọsẹ rai, wha vẹ te jọ emezae gbe emetẹ mẹ, ere Ọnowo Erumeru Ọ tae." —2 Kọrint 6:17, 18

Jọn 1:12

Rekọ u tho kpobi nọ i kru rie re họ, jẹ rọ ẹroso ode riẹ, eye ọ kẹ ogaga re a jọ emọ Ọghẹnẹ.

"Orọnọ kohwo kohwo nọ ọ ta kẹ omẹ nọ, 'Olori, Olori', ọ rẹ sae ruọ eva uvie odhiwu hu, rekọ ọnọ o ru oreva Ọsẹ mẹ nọ ọ rọ obọ odhiwu." —Matiu 7:21

Efẹsọs 2:2

Esiẹnwae wha jẹhẹ nya lele epanọ akpọ ọ rọ, wọhọ epanọ ogaga ọmọ-ovie idedeghe ọ rọ, ọnọ ẹzi riẹ o bi ru iruo eva emọ udu uyoma enẹna.

· Itẹ 23:31, 32

Nọ udi otẹ be wara who ri yei hi, nọ ubi fi ege evaọ eghe, u ve kiekpotọ wolẹ. Urere riẹ ọ rẹ rowa wọhọ araomuomu, o ve wo obi wọhọ ọweiwhe.

Udi o rẹ rọ ohwo se ọliọ, udi ogaga o rẹ lẹliẹ ohwo do enu, ohwo kpobi nọ udi usuthọ yọ o wo areghẹ he. —Ite 20:1

Whaọ iruo uwo ena, e via veve na, ogberẹ-obro, egbegbe, ẹnwae-obro, urusio, edhọegọ, enua, egrẹoje, emeive-eta, omaoya, ihri-eriọ ofuomu, eguae-iyoma, omoheriẹ, ewuhre-erue, ẹroyoma, ọgba edada, eha-iyoma, gbe itieye: enọ mẹ ta kẹ owhai

vere na, wọhọ epanọ mẹ veve owhai unu okenọ ukpemu, enọ ibi ru eware nana a rẹ sai reuku uvie Oghene he. —Galesha 5:19-21

Aizaya 5:11

Uye u rete enọ e rẹ kparoma ohiohiẹ frifri, a dhẹ lele udi-ogaga, enọ e rẹ da ri te aso besenọ udi u re mu ai!

Jo ma ru oma mai rọ oruozewọ wọhọ ahwo nọ a be nya eva uvo, oronọ eva omovia gbe idi eda ha, oronọ igberedha gbe eware odode iruo ho, oronọ eva ẹwhọ gbe ihri-eriọ họ. Reko wha fi Onowo na Jesu Kristi họ oma, wha se oria ọvo ba kẹ uwo ho, nọ aro ru urusio riẹ gba. —Rom 13:13, 14

Matiu 22:37, 38

O tẹ ta kẹ e nọ, “Who rẹ reho eva ra kpobi, gbe ẹzi ra kpobi, gbe iroro ra kpobi, you Onowo na Oghẹnẹ ra. Onana ho ujaje ulogbo gbe o nọ o rọ aro.”

Mak 10:17-22

...“Owuhre ezi, eme me re ruẹ re me reuku uzuazo ebẹde bẹde?” Jesu o tẹ ta kẹ e nọ “Eme who je se omẹ o rọ ezi? Ovuovo orọ o rezi hi, ajokpa Oghẹnẹ ovo. Who riẹ ijaje na: Who kpe ohwo ho, who bruẹnwae he, who tho uji hi, who kpo isei erue he, who viẹ eviaviẹ rọ ria ha, dhe ọse ra avọ oni ra.” O tẹ ta kẹ e nọ, “Me koko enana kpobi no emaha ze.” Jesu o ri yei, o te

you yei, o tẹ ta kẹ nọ, “Oware ovo u kioko kẹ owhe: Kpo, zẹ eware kpobi nọ who woi, who rọ kẹ iyogbere, who re ti wo efe eva obọ odhiwu. Who nyaze, lele omẹ.” O te mu ovao ho fiki eme na, o tẹ nyavre avọ uweli, epano o rọ o nọ o wo eware ibuobu.

1 Jon 5:11, 12

Who onana ho iseri na, nno, Oghẹnẹ o kẹ omai uzuazo ebẹde bẹde, uzuazo onana eva Omọ riẹ o rọ. Onọ o wo Omọ na o wo uzuazo; onọ o wo Omọ na ha o wo uzuazo ho.

Itẹ 16:25

Edhere jo o rọ nọ u he kieho kẹ ohwo rekọ urere riẹ kọ uwhu.

Rekọ wha jọ iru ẹme na, wha jọ iyo evọ ho, rọ ere se oma obọ rai ba ẹviẹhọ. —Jemis 1:22

1 Jọn 3:7, 8

Emọ efofa, wha jọ ohwo ọvo ọ viẹ owhai họ họ. Ọnọ o bi ru kiete họ ohwo okiẹrẹe, wọhọ epanọ ọye o kiẹrẹe. Ọnọ ọ raha uzi yọ ọ rọ ukumuomu na, keme ukumuomu na ọ raha uzi no anwọ emuhọ ze.

1 Kọrint 6:9, 10

Wha gbẹ riẹ nọ e nọ ikierẹe he e rẹ sae reuku uvie Ọghẹnẹ he? Wha viẹ oma obọ rai họ họ; hayo eva egbegbe, hayo e nọ e rọ edhọ ẹgọ, hayo ibruẹnwae, hayo igberedha, hayo iji, hayo imuọwhọ, hayo egbidi, hayo elahwoeka,

hayo igbulegbu, e rẹ sae reuku uvie Ọghẹnẹ he.

Matiu 24:5

Keme ibuobu e rẹ te rehọ ode mẹ tha, whowho nọ, 'Mẹ họ Kristi na', a ve ti su ibuobu thọ.

Efesọs 5:6

Wha jọ ohwo ọvo ọ rọ eme igheghe viẹ owhai họ họ, keme fiki eware nana Ọghẹnẹ o je muofu kẹ emọ iwudu.

Galesha 6:3 gbe 7

Re ohwo o te bi roro oma riẹ nọ ọye oware jọ, kpakiyọ o te odoware ovo ho, oma obọriẹ ọ viẹhọ. ... Wha ghẹhọ họ; Ọghẹnẹ ọ rọ ijehwẹ he: keme koware koware nọ ohwo ọ kọ e, oye o re vuẹ.

Jemis 1:15

Kẹsena, nọ urusio u te diho, u ve ye umuomu, nọ umuomu o je ro thetawa no o ve wha uwhu ze.

Luk 15:32

“ ‘Reko u fo re eva ewere omai, ma ghoghọ, keme omoni ra onana o whu no, o te je te zo no; o vru no, a te je rue rie no.’ ”

Itẹ 11:19

Ohwo nọ o ruereoboho erereokie o re te zo, reko ohwo nọ o re kielele eyoma o re ti whue.

Eviavia 21:8

“Reko edhozo avo eno ero ababo orowo gbe i tu enyenyẹ gbe igbulegbu te igberedia, gbe o tu enuahwo, gbe egedho te igueru

kpobi a re ti wo eke osa rai eva etere erae avo itho-erae na, ko oyena o re te jo uwhu avo ive.”

Rom 5:12

Fikiere epano umuomu oro fiki omovo vaha ruo akpo na, gbe uwhu fiki izieraha, fikiere uwhu u te zite ahwo kpobi: keme fiki onana uwhu u ro te ahwo kpobi, keme ahwo kpobi a raha uzi.

Izikiel 18:20

“Ezi ohwo nọ o rutho o re ghine whue. Omọ o re sae rue uye eware iyoma ose rie he, hayo ose o re sae rue uye eware iyoma omọ gbe he; erereokie okiere uzou obọ rie o re jo, umuomu oruumuomu uzou obọ rie o re jo re.”

Luk 7:14, 15

Ọ tẹ nyaze kele rọ obọ te owha na, ewha-owha i te dikihe ẹta ọvo. Ọ tẹ ta nọ, “Eghele mẹ ta ke owhe nọ, Kparoma.” Ọ nọ o whu na ọ tẹ keria, o te mu ẹme họ ẹta, . . .

Eviavia 1:18

Mẹ họ ọ rọ uzuazọ, me whu no, ri, mẹ tẹ je rọ uzuazọ beḁe beḁe, je wo isiave Uwhu gbe Eri.

Jon 10:17, 18

“Fiki onana Ọse o je you omẹ, epanọ me siobonọ uzuazọ mẹ fihọ otọ, re mẹ je te rehọ ie. Ohwo ọvo o mi omẹ vre he, rekọ mẹ ọvo o siobonoi. Me wo ogaga nọ me re ro siobonoi; me te je wo ogaga nọ mẹ

je rọ rehọ ie. Obọ Ọse mẹ, mẹje rehọ ujaje onana.”

Jon 11:43, 44

Nọ ọ ta enẹ no, o te bo gaga nọ, “Lazaros, nya via.” Ọnọ o whu no na, ọ tẹ nya via, yọ a rehọ ehọ ukio gba e abọ gbe awọ; yọ a rehọ okpa variẹ ovao riẹ. Jesu ọ tẹ ta ke ae nọ, “Wha ra e no, re o kpo.”

1 Korint 15:3, 4

Keme onọ mẹ ta ke owhai vere na, oyena họ ovue nọ mẹ oma mẹ o mi re, nnọ Kristi o whu fiki izieraha mai nwane wọhọ epanọ ikerakere e tae, nnọ a ki rie i, nnọ ede avọ esa a tẹ kpare iẹ epanọ ikerakere e tae.

Iziewarię 5:7-12

“ ‘Who wo eghẹne efa ha me ọvo.

“ ‘Who kare ẹdhọ ọvuọvo ke oma ra ha, hayo oware nọ o rọ obọ ehru, hayo oware nọ o rọ obọ otọ akpọ hayo oware nọ o rọ obọ otọ ame obotọ akpọ; Who ruwe ke ae he whọ gọ ai gbe he keme me ỌNOWO Ọghẹne ra me Ọghẹne ọrọihri, me re rehọ izieraha ese ke emọ rai no ige esa rite ene, enọ i mukpahe omẹ . . .

“ ‘Who fa ode ỌNOWO na Ọghẹne ra ogbe fa ha keme ỌNOWO o re ri yei kare abe he ọnọ ọ fa ode rię ogbe fa. . . .

“ ‘Yoro ẹde ẹdijala, who ru ei

oreri, woho epano ỌNOWO Ọghẹne ra o juzi ke owhe. Ede ezeza who re ru iruo, ru iruo kpobi no e ro owhe ero . . .

“ ‘Reho adhe ke ose avo oni ra, woho epano ỌNOWO Ọghẹne ra o juzi ke owhe . . .

“ ‘Who kpe ohwo ho.

“ ‘Who bruenwae gbe he.

“ ‘Who tho uji hi.

“ ‘Who se isei erue kpe ọrive ra ha.

“ ‘Who gwolo aye ọrive ra ha; who gwolo uwou ọrive ra ha, te udhu rię, hayo odibo-omozae rię hayo odiboomote rię, te erue rię, te eketekete rię, te eware kpobi no o wo oi.’ ”

Job 34:21, 22

“Keme o be ro erote uruemu ohwo kpobi, o be ruo ithihi rie kpobi. Otu ugbarugba a wo ebi ovuovo no a re dhere he.”

Ilezi 139:8 gbe 12

Me te make gadi o kpo ob o ehru, yo who ro etee! . . . mak o ebi dede o ro aso ob o ra ha, keme aso o woho uvo ob o ra, keme ebi o woho elo ob o ra.

Jerimaya 23:24

“Ko ohwo o sae si oma rie no no me gbe ruerie he? ere ONOWO o tae. Ko ome gbe vo ehru gbe akpo? ere ONOWO o tae.”

It e 15:3

Ibiaro ONOWO na e ro eria kpobi, bi roro iyoma gbe iwoma.

Luk 8:17

“Keme oware ovo no a sino no o re te via ha, o ro ho; oware udidi ovo no o re te via eveve he, o ro ho.”

1 Korint 4:5

Fikiere wha bruozie oware ovuovo re oke u te te he, beseno Onowo na o te tha, o no o re ti ru ekuive na, o reho eware ididi ro via elo: o je te fere iroro eva via eveve; kesena kohwo kohwo o te ti wo ujiro Oghene.

Ọmọ ohwo o re ti vi ikọ riẹ, a ve ti si eware nọ e rẹ wha uzioraha tha kpobi no eva uvie riẹ gbe enọ i re ru umuomu, a ve ti fi ai họ erae; e tẹe ovie gbe akọriọ e rẹ te jọ. —Matiu 13:41, 42

Matiu 18:8

Oteronọ obọ ra hayo owọ ra u bi ru owhe raha uzi, bru ei no, re who ku ei fie; uwoma kẹ owhe re whọ ruọ uzuazọ avọ oka-uwo hayo ejele vi ikpenọ who re wo abọ ava hayo awọ ava nọ a re ro gbolo owhe fihọ erae bẹde bẹde.

2 Pita 3:7

Rekọ jẹ ruọ ẹme ọvo na a rọ ruere ihru gbe akpọ nọ erọ enena kpahe kẹ erae, enọ a ruere kpahe

bọ ẹde oziobro gbe ẹraha otu nọ ekare erọ Ọghene.

Ilezi 9:17

Ahwo omuomu na a rẹ te nya ruọ eva Ẹri, gbe erewho kpobi nọ Ọghene ọ thero.

Matiu 25:46

“Enana e rẹ nya kpo obọ eva uye bẹde bẹde, rekọ ikerere i re kpo obọ uzuazọ ebẹde bẹde.”

A te gbolo enọ ede rai e jọ eva obe uzuazọ na ha fihọ ẹtere erae na. —Eviavia 20:15

Rom 1:18

Keme Ọghene ọ re muofu obọ odhiwu kẹ enọ e riẹ riẹ he gbe e nọ i bi ruẹ umuomu gbe ahwo nọ a rẹ rehọ umuomu raha uzeme.

Irueru Ikọ Na 17:31

“Keme o bru ẹdẹ no, nọ o ti ro guẹdhọ akpọ na avọ ẹrẹreokie evaọ obọ ohwo nọ o romu vẹre ino, o ru imuero riẹ kẹ ahwo kpobi, nọ ọ kpariẹe no iwhuowhu.”

2 Pita 2:9

Ọnowo ọ riẹ epanọ o re ro siwe ahwo-Ọghẹnẹ no edawọ, o ve fi enọ ẹdhọ ikiẹrẹe he họ uye bọ ẹdẹ.

1 Jọn 4:17

Eva onana a je ru uyoyou gba kẹ owhai, re ma ruẹse wo udu eva ẹdẹ ẹdhọ na, keme epanọ ọ rọ na ere ma rọ eva akpọ na.

Eviavia 20:12

Mẹ tẹ jẹ ruẹ enọ i whu, te ekakao te ilogbo, nọ i dikihe aro

agbara uvie na, yọ a rovie ebe fihọ. Obe ofa jọ o jọ nọ a rovie fihọ, obe erọ uzuazọ. Epanọ iruo enọ i whu no na erọ eva ebe na, a ro bruozie rai.

Hibru 9:27

Wọhọ epanọ a bru fihọ nọ ẹsiẹvo ohwo o re whẹ, nọ u je no o ye ino kọ ẹdhoguo.

2 Kọrint 5:10

Keme mai kpobi a re ti dikihe eva aro akaba oziobro Kristi na; kohwo kohwo o reti wo osa iruo riẹ, uwoma hayo uyoma, wọhọ epanọ ọ rehọ oma riẹ ru.

Rom 14:12

Ere mai kpobi ma ti ro gu ọvuọ ẹkẹunu riẹ kẹ Ọghẹnẹ.

Rekọ orọnọ epaọ iruthọ ere okẹ ọvọvẹ na orọ họ. Keme otẹrọnọ fiki iruthọ omọvo ibuobu i re ro whue, kẹvẹ orẹrua te re aruoriwo Ọghẹnẹ, gbe oke nọ ọ rehọ fiki aruoriwo Ọmọvo na, Jesu Kristi, orẹ vọ kẹ ibuobu re? —Rom 5:15

Fikiere kọ o gberọnọ oreva ohwo hayo kọ iruo riẹ hẹ, rekọ ajokpa ohrọ Ọghẹnẹ. —Rom 9:16

...“Ọghẹnẹ o re hrẹ obroma-oro, rekọ ọ vẹ rọ aruoriwo kẹ enọ e roma-kpotọ.” —1 Pita 5:5

2 Kọrint 8:9

Keme wha riẹ aruoriwo Jesu Kristi Ọnowo mai na, makinọ o fe ghele na, fiki rai o te zi yogbe, re wha rọ fiki ọbẹwẹ riẹ fe.

2 Kọrint 9:15

Uyere u te Ọghẹnẹ fiki okẹ riẹ nọ a sae ruẹ unu ta ha!

Ogaga ulogbo ahwo ikọ a je ro sisẹri ẹkparomatha Jesu Ọnowo na, gbe aruoriwo ologbo o jarọ ai kpobi oma. —Iruẹru Ikọ Na 4:33

Re ma te ruẹse rọ fiki aruoriwo riẹ wo unouzou jegbe re ma te jọ ere-uku eva ẹruore uzuazọ ebẹdẹ bẹdẹ. —Taitọs 3:7

2 Kọrint 12:9

Rekọ ọ tẹ ta kẹ omẹ nọ, “Aruoriwo mẹ o te kẹ owhe, keme eva okuako ogaga mẹ o jẹ gbunu.” Fikiere mẹ rẹ dhigbẹ yoma okuako mẹ viere, re ogaga Kristi o jọ omẹ oma.

Pita o tę ta kę ae no, "Wha kuevarerię re a ho owhai omo-movo ame fiho evao ode Jesu Kristi re a reho izieraha rai vre owhai; wha veti wo oke Ezi Eri na." —Irueru Iko Na 2:38

Luk 15:10

"Me ta kę owhai, no, ere oghogho o re jo aro iko Oghene fiki orahaizi ovo no o kurerię."

Irueru Iko Na 17:30

"Oghene o ri oke ogbori oyena vo no; fikiere enena o juzi kę ahwo evao koria koria no a kuevarerię."

Luk 13:3

"Me ta kę owhai, Ijo; reko wha gbe kuevarerię he, whai kpobi a re ti vre ere re."

Irueru Iko Na 3:19

"Fikiere wha kuevarerię, wha je zizeze, re a ruęe voro izieraha rai no, re ezi aruodhidhivio ono obo Onowo na ze."

2 Korint 7:10

Keme uweli ohwo Oghene o re wha eva-ikuerię tha no u re su ohwo ruo usiwo no o kare uwero, reko uweli ohwo akpo o re wha uwu tha.

Matiu 3:2

"Wha kuevarerię, keme uvie odhiwu o kele ino."

Ono o kuo orutho rię dhere o re nyaho aro ho, reko ono o ta irutho rię via, no o je sioma no ai o re wo ohro-orio. —Ite 28:13

Reko wha tẹ rọ vrẹ e nọ iru
owhai thọ, Ọsẹ rai nọ ọ rọ obọ
odhiwu ọ rẹ rọ iruthọ rai vrẹ
owhai re. —Matiu 6:14

Izikiel 18:21

“Reko ohwo omuomu o te
kurẹriẹ no imuomu riẹ no o ru o te
bi koko ijajẹ mẹ je ru oware no
ufori gbe ono u kiete, o re ti whue
hẹ, reko ọ rẹ te ghinẹ zo.”

“Keme ri, me dikihe unuethẹ bi
kporo; ohwo nọ o yo uru mẹ nọ o
roviẹ ethẹ, me re ti bru ei tha, me
ve leleiei re emu, o ve je lele ome
re.” —Eviavia 3:20

“Jọ o ru umuomu ọ se umuomu
riẹ ba gbe ohwo oyoma ọ se
ekpehre iroro riẹ ba. Jọ o zihe bru

ỌNOWO na, re ọ re iẹ ohro,
bru Ọghenẹ mai, keme ọ rẹ te reho
vrẹ owhe.” —Aizaya 55:7

Mak 2:5

Nọ Jesu ọ ruẹ ẹrowọ rai, ọ tẹ ta
kẹ ọno okie o kie na nọ, “Ọmọ mẹ,
a reho izieraha ra vrẹ owhe no.”

Luk 17:3, 4

“Wha yoro oma rai; omoni ra o
te ru owhe thọ, whoku ei, o te
kurẹriẹ rọ vrẹ e; o te ru owhe thọ
isiahrẹ evaọ ede ovo ọ je reriẹ bru
owheze isiahrẹ nọ, ‘Me kurẹriẹ’,
whọ rọ vrẹ e.”

“Ọye Ọghenẹ ọ reho oboze riẹ
ro ru Osu gbe Ọsiwi, re ọ reho
ekurẹriẹ kẹ ahwo Izrel, avọ ẹrovrẹ
izieraha.” —Irueru Iko Na 5:31

Taitos 2:11, 12

Keme aruoriwo Ọghẹnẹ ọ ze fiki usiwo ahwo kpobi, bi wuhre omai re ma se edho-ego avo urusio akpo na ba, re ma yeri uzuazo uwowole, avo erereokie, gbe uzuazo Ọghẹnẹ u yero eva akpo nana.

Kolos 3:2

Fi iroro ra ho eware obọ odhiwu, oronọ eware akpo na ha.

Efesos 5:11

Wha kuomagbe iruo ebi no e re mo ibi hi, rekọ ikpoye ru ai via.

Wha you akpo na hayo eware no e ro eva akpo na ha. Re ohwo jo o te you akpo na, uyoyou Ọse na o rie eva ha. Keme eware kpobi no e ro eva akpo na, urusio uwo, gbe

urusio ibiaro gbe eheri uzuazo, o ro orọ Ọse na ha rekọ yo o ro akpo na. —1 Jon 2:15, 16

Aizaya 1:16

Wha ho oma rai, wha ru oma rai fo. Wha siọ ugberuo rai no eva aro me no. Wha se umuomu ba eruo.

Whai no a re fievahọ ho! Wha gbe rie no ohwo no orọ ogbenyusu akpo na yo avo Ọghẹnẹ a ro egre? Fikiere kohwo kohwo no o guolo no o re mu akpo na ogbenyusu, oye ovo o ru oma rie owegre Ọghẹnẹ. —Jemis 4:4

Keme na Demas o dhe se ome ba kpo obọ Tesalonika fiki uyoyou no o wo kpahe eware akpo nana. —2 Timoti 4:10

1 Pita 1:23

A warię owhai ye no, oronọ orọ ubi nọ u re whue he rekọ onọ oghọ-ewhuo, rekọ fiki ẹme uzuazo Ọghene nọ ọ re jọ ribri.

1 Kọrint 6:11

Ere otu rai jọ ọ jọ. Rekọ a họ owhai, je ru owhai fo, wha te je wo unuzou eva ode Ọnowo Jesu Kristi jegbe eva Ẹzi Ọghene mai.

Oji ọ ze fiki etho gbe ekpe gbe ẹraha; me ze re a wo uzuazo, re a ruęse woi buobu. —Jón 10:10

Izikiel 36:26

“Me re te ke owhai eva ekpokpo, me ve fi ẹzi ọkpokpo họ owhai eva; me ve ti si eva itho rai no, meve ke owhai eva elolohọ.”

1 Jón 2:29

Re wha te rię nọ o ghine kięre, jọ umu owhai ẹro nọ ohwo kpobi nọ obi ru kięte yọ ọye o ye rię.

2 Kọrint 5:17

Fikiere, otęronọ ohwo o kuo-magbe Kristi, yọ a ware rię ye, eware anwae e vre no, kọ eware ekpokpo e rehọ ẹta rai.

1 Jón 5:18

Ma rię nọ ohwo kpobi nọ Ọghene o ye ore ru umuomu hu, rekọ Ọghene ọ re sero onọ o ye, nọ oyoma na ọ gbę rọ obọ te ei hi.

Jesu o te yo ke e nọ, “Uzeme, uzeme, me ta ke owhe, ajokpa ọwarię ye ohwo hayo, ọ sae ruọ uvie Ọghene he.” —Jón 3:3

Galesha 5:24

Gbe enọ e rọ erọ Kristi a kare uwo veghe no gbe eware urusio riẹ.

Efeshos 2:1 gbe 6

Whaọ whai o ru zihe ruọ ekpokpo no na, wha whu vere ino fiki iruthọ izieraha rai. . . . Ọ tẹ kpare omai kugbe ei, o je ru omai keria eva Kristi Jesu eva eria obọ odhiwu.

Kolosi 3:1-3

Oteronọ whẹ avọ Kristi a gbẹ kparoma no, guọlọ eware eyena nọ erọ obọ odhiwu, obonọ Kristi ọ jẹ keria obọze Ọghẹne. Fi iroro ra họ eware obọ odhiwu, oronọ eware

akpo na ha. Keme na wha whu no a te si uzuazo rai no họ Kristi eva Ọghẹne.

1 Pita 2:24

Ọye omariẹ ọ rọ oma obọ riẹ wha izieraha mai eva ehru ure na, re ma je whu kẹ eware iyoma, ma ve zọ kẹ erereokie. Fiki oma-onhwa riẹ a ro siwi owhai.

Rom 6:2 gbe 11

Kẹve mai, enọ i whu kẹ eware iyoma no a rẹ sae ria kreki eva eva riẹ? . . . Whaọ wha he kele oma rai erere rọ ahwo nọ a ghine whu kẹ eware iyoma no; a jẹ rọ uzuazo kẹ Ọghẹne eva Jesu Kristi.

Galesha 6:8

Keme ohwo nọ ọkọ kẹ iwo riẹ ọ rẹ te jọ iwo na vuẹ egbogbo; rekọ ohwo nọ ọkọ kẹ Ezi ọ rẹ te jọ erọ Ezi na vuẹ uzuazo ebẹḁe bẹḁe.

Jon 3:14, 15

“Epanọ Mosis ọ kpare oriọvo eva obọ ewọ na ere a rẹ te kpare Omọ ohwo re, kohwo kohwo nọ ọ rọwọ riẹ ore wo uzuazo ebẹḁe bẹḁe.”

“Onana họ uzuazo ebẹḁe bẹḁe, re a riẹ owhe nọ whẹ ọvo họ uvi Oghene, gbe Jesu Kristi onọ who vi.” —Jon 17:3

Jon 3:36

Onọ ọ rọwo Omọ na o wo uzuazo ebẹḁe bẹḁe; rekọ onọ o yo ẹme

Omọ na ha ọ rẹ sae ruẹ uzuazo họ, rekọ ofu Oghene ọ riẹ uzou.

Rom 6:23

Kemena uwhu họ osa eware uyoma; rekọ okẹ Oghene họ uzuazo ebẹḁe bẹḁe, fiki Jesu Kristi Onowo mai.

Uzeme, uzeme, mẹ ta kẹ owhai, onọ oyo ẹme mẹ ọ tẹ rọwo O nọ o vi omẹ ze, o wo uzuazo ebẹḁe bẹḁe; ọ rẹ tha obọ oziobro ho, rekọ ọ vrẹ no uwhu kpobọ uzuazo no. —Jon 5:24

Jon 14:2

“Evaọ uwou Ose mẹ eria i re buobu; o gbẹ rọ e rehe, mẹ he ta kẹ owhai; keme mẹ be nya e ruere eria kẹ owhai.”

Aizaya 32:17

Erereokie o vete reho udhedhe ze, erere erereokie ko omofowe, gbe eva ifiho bede bede.

Galesha 4:6

Keme fiki epano wha ro emo, Oghene o je vi Ezi Omo rie ze eva mai, bi bo no "Abba, Ose."

1 Jon 2:3

Jegbe fiki onana u je ro mu omai ero no ma rie rie, oterono ma koko ijaje rie.

1 Jon 3:18, 19 gbe 24

Emo efofa me wha joma you oro eme-unu hu, hayo ero unu hu, reko eva eruo gbe eva uzeme. Fiki onana ma te ro rie no ma ro ero uzeme na, u je ti mu eva mai ero

evaoro rie. . . Ahwo kpobi no a bi koko ijaje rie a ro eva uyoyou rie, oye o te je ro eva rai. Wha fiki onana ma ro rie no o ro eva mai, fiki Ezi no o ke omai na.

Jon 14:21

"O no o rie ijaje me o je koko ai, oye ho ono o you ome; ono o you ome, Ose me o re ti yo yei, me re ti yo yei me re te reho oma me ro via kee."

Ukpuzou oma Ezi na ovo oro izi mai iseri ese ke no mai aro emo Oghene. —Rom 8:16

1 Jon 4:13

Fiki onana ma re ro rie no ma ro eva rie ria, jegbe oye o ro eva mai, fiki epano o ke omai Ezi obro rie.

32 Eva nọ Kristi re ria re e ke Ọghoḡho

Jon 17:13

“Reko enena me bi bru owhe tha; eware enana eva akpo na me je ta e, re a wo oghoḡho me gba eva oma rai.”

Rom 14:17

Keme uvie Ọghene o roniko emu idi eda ha, reko erereokie, gbe udhedhe, te oghoḡho evaọ Ezi Eri.

Efesos 3:17

Re Kristi o reho fiki orowo ria evarai; re no wha je ti wo owọ wha otọ no eva uyoyou.

Galesha 2:20

A kare omẹ kugbe Kristi: dede me ro uzuazo, yo orono me he, reko Kristi o ro eva me: fiki oyena uzuazo no omẹ ro eva uwo bi yerẹ

enena me bi yeri ei eva orowo, orowo no o ro eva Ọmo Ọghene, ono o you omẹ, no o je reho oma riẹ ke omẹ.

Aizaya 12:3

Who te ro evawere vo ame ino ezae usiwo tha.

Jon 15:11

Eware nana me ta ke owhai, re oghoḡho rai o ruese gba.

Whe o dhese edhere uzuazo ke omẹ; eva aro ra oghoḡho o je gba unu, eva oboze ra etee evawere erọ bede. —Ilezi 16:11

Jon 16:24

Ri fi enena wha te yare oware ovo fiki ode me he; yare, wha re ti wo, re oghoḡho rai o gba.

1 Samuẹle 12:15

Rekọ wha gbẹ kezọ kẹ uru ỌNOWO ho, rekọ wha te wo udu kẹ izi ỌNOWO na, obọ ỌNOWO na o vẹ te rọ suọ owhai gbe ovie rai.

Rom 6:16

Kọ wha gbẹ riẹ nọ wha tẹ rehọ oma rai ru erigbo kẹ ohwo jọ, yọ erigbo ọnọ wha bi yo ẹme riẹ na wha rọ; otiesejọ ọ vẹ jọ orọ umuomu, onọ u re su ohwo kpo uwu, hayo ọrọ ẹmeoyo, onọ u re su ohwo kpo ẹrẹreokie?

2 Tẹsalonika 1:7-9

Ọ vẹ te kẹ omai avọ owhai enọ a kẹ uye eri-osehọ, okenọ Ọnowo mai Jesu Kristi ọte via no odhiwu tha avọ otu ikọ-odhiwu iride riẹ

avọ ebruerae. Ọ vẹ te rehọ uye hwa osa kẹ enọ e riẹ Ọghẹnẹ hẹ, gbe enọ e kezọ usiuwoma Jesu Ọnowo mai hi. A vẹ te re oja ọraha ebẹdẹ bẹdẹ, gbe ele no aro Ọnowo na avọ ogaga oruaro riẹ.

Iziewariẹ 11:26-28

“Ri, me fi oghale gbe ekela họ udevie rai nẹnẹ na: rọkẹ oghale, wha te koko izi ỌNOWO na Ọghẹnẹ rai, enọ o je kẹ owhai nẹnẹ na, rọkẹ ekela, otẹrọnọ wha gbe koko izi ỌNOWO na Ọghẹnẹ rai hi . . .”

Rom 2:13

Keme orọnọ enọ e rehọ ezọ yo uzi na họ enọ i kiẹrẹe obaro Ọghẹnẹ hẹ, rekọ enọ i koko uzi na ae i re wo unuzou.

Filipai 2:11

Jegbe nọ kunu kunu kpobi o rẹ rọwo nọ Jesu Kristi họ Ọnowo, rọ kẹ oruaro Ọghẹnẹ Ọsẹ na.

Matiu 10:32, 33

Fikiere kohwo kohwo nọ ọ sae jọ aro ahwo rọwo mẹ, mẹ rẹ rọye e re aro Ọsẹ mẹ nọ ọ rọ obọ odhiwu. Rekọ ohwo nọ ọ vro omẹ aro ahwo, mẹ rẹ vrẹ e re aro Ọsẹ mẹ nọ ọ rọ obọ odhiwu.

Rom 10:9, 10

Keme, otẹrọnọ whọ rehọ igbenu ra ta via nọ Jesu ghinọ Ọnowo, whọ vẹ jẹ jọ eva ra rọwo nọ Ọghẹnẹ ọ kpare riẹ no iwhuowhu, a re ti siwi owhe. Keme iroro eva

ohwo ọ rẹ rọ rọwa ọ vẹ rọ ere wo unuzou, ọ vẹ jẹ rehọ igbenu riẹ ta via, a vẹ rọ ere siwi ei.

1 Jọn 2:23

Ohwo ọvo nọ ọ rẹ vro Ọmọ na, nọ o wo Ọsẹ na ọ rọ họ. Ọnọ ọ rọwo Ọmọ na o wo Ọsẹ na re.

Luk 9:26

“Keme kohwo kohwo nọ ọ vuoma mẹ gbe eme mẹ, Ọmọ ohwo ọ rẹ te vuoma riẹ nọ ọ te tha eva oruaro Ọsẹ na gbe ikọ ẹri na.”

2 Timoti 2:11, 12

Ẹme na o ghine muero: Oteronọ ma whu kugbe i, ma jẹ te zọ kugbe i re: ma te thihi-akọ, ma ve ti lele iei re uvie re. Rekọ ma tẹ vro ẹe ọ ye omariẹ ọ rẹ te vro omai re.

1 Pita 5:8

Jaja aro vi, he roro. Owegrę ra ukumuomu na, o wohọ. Okpo-hrokpo nọ obi do enu, be guọ-lọ oјo nọ o rę ria.

Matiu 4:1 gbe 10, 11

Kęsena Ezi na o te su Jesu kpo ehru eva obọ ewọ re ukumuomu o te dayęe. . . . Kęsena Jesu o tę ta kę e nọ, "Setan, nyawa: keme a kere nọ, 'Whọ rę gọ Onowo na Oghęnę ra, iruo rię eye evo who re ruę.' " Kęsena, ukumuomu na o tę się ba, koyehọ, ikọ-odhiwu e nyaze e tę gba odibo kęe.

2 Tęsalonika 2:9

Okenọ orọ uzioraha o te tha na avọ iruo igbunu nọ Setan o re ti

ruę avọ egaga gbe urirę avọ eware eka.

Efęsọs 6:11

Wha fi egọ-ęmo Oghęnę ososo họ oma, re wha sai dikihę kę ereghę ukumuomu.

Iruęru Ikọ Na 26:18

" 'Re who rovie aro rai a ruęse kuręrię no ebi ruọ elo, jegbe no otahobọ Setan ruọ o rọ Oghęnę, re a ruęse wo erọvrę izieraha je wo oria evaọ evie enọ efo uno fiki eruorosuọ mę.' "

2 Kọrint 10:4

Keme ekuakua ęmo mai erọ erọ akpọ na ha, rekọ orọ ogaga Oghęnę nọ a rę rọ raha eria nọ egae.

Hibru 2:14

Whaọ fiki epanọ emọ na i wo ẹkẹ eva uwo gbe azẹ na, nwanọ ere u te ọye omariẹ re eva uwo ovo na, re ọ rehọ fiki uwhu ruẹse raha ọ nọ o wo ogaga uwhu, ọ yena họ ukumuomu na.

Ono ọ te sae heriẹ omai no uyoyou Kristi? Kọ uye, hayo ọbẹwẹ, hayo ukpokpoma, hayo ohọwo, hayo ẹbẹba, hayo imuozọ, hayo ohọre? . . . Ijo, eva enana kpobi ma vi ahwo nọ a fiẹmo kpareobọ fiki riẹ ọye nọ o you omai na. —Rom 8:35 gbe 37

1 Jọn 3:8

Ọnọ ọ raha uzi yọ ọ rọ ukumuomu na, keme ukumuomu na

ọ raha uzi no anwọ emuhọ ze. Oware nọ o lẹliẹ Ọmọ Ọghẹnẹ na nọ ọ jẹ via, re ọ ruẹse te raha iruo ukumuomu na.

Mak 3:11

Gbe kẹse kẹse nọ izi-igbegbe e rue riẹ, i ve digwẹ obọ aro riẹ i ve bo nọ, “Whẹ họ Ọmọ Ọghẹnẹ.”

2 Tẹsalonika 2:8

Kọ oke oye a ti dhese orumuomu na via, Ọnowo Jesu ọ vẹ te rehọ ẹwẹokuo unu riẹ kpei, jẹ raha iẹ eva oke ẹtha riẹ.

Jemis 4:7, 8

Fikiere wha rọ omarai kẹ Ọghẹnẹ. Mudhe kẹ ẹzi ukumuomu ọ rẹ te dhẹ se owhẹ ba. Bigba Ọghẹnẹ o re ti bigba owhẹ. . . .

1 Jọn 4:20

Re ohwo jọ ọtẹta nọ, “Me you Ọghẹnẹ”, o te mukpahe omoni riẹ, ọyena hỌ ọterue, keme ọnọ o you omoni riẹ hẹ, ọnọ ọ rẹ ruẹ, ọsai you Ọghẹnẹ hẹ, ọnọ ọ rẹ ruẹ hẹ.

1 Kọrint 13:1

Mẹtẹ make be jẹ ẹrọ-unu ahwo gbe ọrọ ikọ-odhiwu, re me gbe wo uyoyou hu, mẹ rẹte wọhọ ẹroo nọ o re do, hayo edo ẹgogo odhogu.

Jọn 13:35

“Fiki onana ahwo kpobi a jẹ riẹ nọ whai ilele mẹ re whai ohwo o te you ohwo.”

Galesha 5:22, 23

Rekọ ubi Ẹzi hỌ uyoyou,

oghoghọ, udhedhẹ, uye oruẹ krẹkri, oma-onyẹ, ewoma, orọwọ, oma-urokpoto, oma-oyoro.

Jọn 21:16

Ọ tẹ jẹ ta kẹe orọ avọ ivẹ nọ, “Saimon, ọmọ Jọn, who you omẹ?” Ọ tẹ ta kẹe nọ, “Ere Olori, whọ riẹ nọ me you owhẹ.” Ọ tẹ ta kẹe nọ, “Thuru igodẹ mẹ.”

1 Jọn 3:14

Ma riẹ nọ ma vrẹ uwu eruọ eva uzuazọ no, epanọ ma you imoni na. Ọnọ o you hu ọ gberọ eva uwu.

1 Jọn 5:3

Uyoyou Ọghẹnẹ ona, nnọ ma re koko ijaje riẹ. Whaọ ijaje riẹ erọ owha ogbẹgbẹde hẹ.

Iruęru Ikọ Na 10:39-41

“Whaọ mai a rọ isęri eware kpobi nọ o ru evaọ oręwho ahwo Ju gbe evaọ Jerusalem. Ọye a kpe re nọ a karehọ ehru uruwhere; Ọghenę ọ ję kpare ię edę avọ esa, o je ru kę i re a dhesięe via; oronikọ rọkę ahwo kpobi hi rekọ rọ kę omai isęri nọ a jọ aro Ọghenę ha, e nọ avię a gbę re jęda okenọ ọ kparoma no evie iwhowhu no.”

Jon 20:26-28

Nọ edę eree e vrę no, ilele rię a tę ję rọ evaọ uwou, Tọmas a vae a gbę jọ. Nọ a wuhu ethę no, Jesu ọ tę nyaze o te dikihę udevie rai, ọ tę ta nọ, “Udhedhę u te owhai.”

Kęsena ọ tę ta kę Tọmas nọ, “Rehọ uziobọ ra te etenę, whọ ruę abọ mę; whọ rię obọ ra, te abefę mę; whọ jọ ababọ ęrowọ họ, rekọ rọwo.” Tọmas o yo ọ tę ta kę nọ, Ọnowo mę, Ọghenę mę!” Jesu ọ tę ta kę nọ, “Epanọ whọ ruę omę whọ ję rọwo? Enọ e ruę hę nọ e rọwo ghele i wo oghale.”

Mak 16:9

Whaọ nọ ọ kparoma edę ọsosuọ ękpoka, Meri Magdalini ọ kake rọ oma via kę, ọ nọ o le izi-iyoma ihrę no.

Rom 4:25

Ọnọ a kpe fiki iruthọ mai a tę ję kpare ię re ma ruęse wo unuzou.

No umuo oke oyena vrẹ Jesu o te muho ẹ ta veve ke ilele rie no o re ti kpo obo Jerusalem, o ve te ruẹ uye buobu obo ekapko na gbe ilori izere gbe otu ikere-obe, a ve ti kpe ei, reko ede no o gba edesa a re te kpare iee. —Matiu 16:21

Rom 6:3-5

Ko owha gbẹ rie he, nno ibuobu no a hoame eva Jesu Kristi no na, a hoame fihọ eva uwhu rie? Fikiere a ki omai kugbe i no eva ame-ohọ fihọ eva uwhu; woho epano Kristi o kparoma no iwhuowhu fiki oruaro Ose na, nwanọ ere na ma re te nya eva uzuazo okpokpo. Keme otoronọ a ki omai kugbe ei no eva uwoho

uwhu rie, ere ma re te jo eva uwoho ekparomatha rie re.

Fiki Ẹzi oreri no Jesu Kristi Onowo mai o ro kparoma no iwhuowhu, a ro whowho ei Omo Oghene. —Rom 1:4

Jon 5:25 gbe 28, 29

“Uzeme, uzeme, me ta ke owhai, oke o be tha, o ro enena, no iwhuowhu i re ti yo uru Omo Oghene, eno i yo e re te zo.”
... “Onana u gbe owhai enu hu; keme oke o be tha no eno e ro eva iki kpobi i je ti yo uru rie, a ve te nya via, eno i ru uwoma, e ve kparoma ruo uzuazo, eno i ru umuomu e ve kparoma ruo oziobro.”

Luk 1:74, 75

Nnọ o re si omai no obọ ewegrẹ mai, re ma gọ e ababọ ozo, eva ọrẹri gbe ẹrẹreokie obaro riẹ eva ede uzuazo mai kpobi.

2 Kọrint 7:1

Imoni iyoyou, fiki epanọ ma wo eya enana no na, wha jọ oma ru oma mai fo uno eware nọ i re zue oma gbe ẹzi, re ma ru oma mai ọreri kiete eva ozodhe Ọghene.

Re ohwo jọ o te ru oma riẹ fo no eva oware onyenyẹ uruo, koyehọ ofo kẹ epanọ a re rehọ iẹ ruẹ okpaware. A re te rehọ iẹ muẹ re o wo iruo kẹ olori uwou na, je ruẹriẹ kpahe-kẹ-iruo iwoma kpobi.

—2 Timoti 2:21

1 Pita 1:2

Enọ Ọghene Ọse na ọ sanọ je ro mu, Ẹzi Ẹri na o te je ru ae fo re a jọ ababọ udu-uwo kẹ Jesu Kristi, jegbe ọrọ aze riẹ nọ, a vaha ku ai: Jọ aruoriwo avọ udhedhe i vi kẹ owhai.

1 Pita 1:15

Rekọ epanọ ohwo nọ o se owhai ọ rọ fuafo na, whai omarai wha jọ eva uruemu rai kpobi jọ fuafo re.

2 Timoti 2:15

Dawo oma re whọ sae ru oma ra wọhọ ọ nọ a jerehọ no, obọ aro Ọghene, he wọhọ oruiruo ọnọ ọ kare omaovuọ, nọ ọ re yoro ẹme uzeme na ziezi.

Aizaya 35:8

Uvi edhere ọ rẹte jariẹ, a reti se ei Edhere Ọrẹri; ohwo nọ ọ fo ho ọ rẹ nyae vrẹ he, igheghe e rẹ jariẹ ru ugberuo ho.

Hibru 13:12

Whaọ ere Jesu ọ ruẹ uye re eva obọ afe unuethẹ re ọ ruẹse reho aze riẹ woze ahwo na fo.

1 Jọn 1:9

Oteronọ ma ta izieraha mai via, ọye ho onọ ọ rẹ te-ruẹ avọ erereokie, nọ ọ rẹ rọ izieraha vrẹ omai ọ vẹ woze omai no eware nọ ikerẹe he.

Matiu 3:11

“Whaọ mẹ be reho ame ho owhai fiho eva ikurẹriẹ, reko onọ ọ

be rọ kpahe omẹ be tha na ọ ga vi omẹ, eviẹ riẹ me woma te epanọ mẹ rọ wha e he; ọ rẹ te reho Ezi Eri gbe erae ho owhai ame.”

Efesos 1:4

Nwanọ epanọ ọ sanọ omai no re otoho akpo na ote rọ, re ma ruẹse jọ fuafo kare epe aro riẹ.

2 Pita 3:11

Kinọ enana kpobi e rẹte ghine raha no na, didi oghere ahwo wha he jọ eva uzuazo efuo gbe orọ Oghene.

Efesos 4:24

Re wha wha ohwo okpokpo na ho oma, onọ a ma tho Oghene eva uvi erereokie gbe efuo.

Luk 11:13

“Whai enọ i yoma wha tẹ rię epanọ wha rẹ rọ emamọ eware kẹ emọ rai, kẹvẹ Ọsẹ obọ odhiwu rai ọ rẹ rehọ Ezi Eri kẹ enọ e yare rię te re?”

Iruẹru Ikọ Na 1:8

“Rekọ nọ Ezi Eri ọ ruọ ohwai oma no wha re ti wo ogaga nọ wha ti ro se iseri mẹ”

Izikiel 36:27

“Me re ti fi ezi mẹ họ owhai eva, re wha te nya eva ijaje mẹ, re wha ruęse koko izi mẹ.”

Rom 8:9

Rekọ wha rọ eva uwo ho, rekọ eva Ezi, otẹronọ Ezi Ọghẹnẹ ọ be

ria eva rai, keme ohwo nọ Ezi Kristi ọ rọ eva ha yọ ọrọ ọrię hẹ.

Iruẹru Ikọ Na 13:52

Oghọghọ avọ Ezi Eri e tẹ vọ eva ilele na.

Iruẹru Ikọ Na 4:31

Nọ a jẹ lẹ no, oria nọ a koko kuku na u te nuhu; Ezi Eri ọ tẹ ze vọ ae kpobi oma, a jẹ rọ aruowha ta ẹme Ọghẹnẹ.

Iruẹru Ikọ Na 11:24

Epanọ ọ jọ emamọ ohwo nọ o wo orowọ nọ Ezi Eri ọ vọ oma

Iruẹru Ikọ Na 7:55

Rekọ, ọye nọ Ezi Eri ọ vọ oma, ọ tẹ tọ ẹro mu bi riwi kpobọ ehru, ọ jẹ ruę oruaro Ọghẹnẹ, yọ Jesu o dikihẹ oboze Ọghẹnẹ.

QNOWO ọ kẹle enọ i wo eva
owhrori, o je siwi enọ a nhwe eva
ẹzi. —Ilezu 34:18

Aizaya 66:2

“Enana kpobi yọ eware nọ mẹ
rọ abọ mẹ ru, fikiere eware nana
kpobi e mẹ; erei QNOWO na ọ tae.
Rekọ ọna họ ohwo nọ me re riwi,
ọnọ o wo ẹzi owhrori nọ ọ rọ oma
kpotọ, jẹ dhozọ ẹme mẹ.”

1 Pita 4:12, 13

Iyoyou mẹ, odawọ erae nọ ubi
bru owhai tha re a vuhu owhai na,
u gbe owhai unu hu, wọhọ nikọ
oware okpokpọ jọ nọ o be via kẹ
owhai. Rekọ ghọghọ fiki epanọ
who wo ẹkẹ eva uye Kristi, re whọ
te ghọghọ re, je wo evawere okenọ

oruaro riẹ o te via. Oteronọ a be rọ
owhẹ se ọliọ fiki ode Kristi, who
wo oghale, keme yọ ẹzi oruaro avọ
orọ Ọghẹnẹ erọ owhẹ oma.

Eviavia 21:4

“Ọghẹnẹ o ve ti ririe irui kpobi
no aro rai; uwhu o gbẹte jọ ofa ha,
hayo kọ uweri hi, hayo oviẹ hẹ,
hayo edada ọvuọvo ho, keme
eware anwae evrẹ no.”

Ilezi 37:3

Rọ ẹroso QNOWO, who ru
ewoma; ere whọ rẹ rọ jọ otọ na,
who ve wo i.

Mak 9:23

Jesu ọ tẹ ta kẹ e nọ, “Jọ whọ sai
ruẹ! Eware kpobi e rẹ lohọ kẹ ọnọ
ọ rọwo.”

Hibru 2:18

Keme na ọ ye oma riẹ ọ ruẹ uye na no a tẹ jẹ dayẹe, fikiere o wo ogaga nọ ọ rẹ sai ro fiobọhọ kẹ e nọ e rọ eva odawọ.

Rom 16:20

Ọghẹnẹ udhedhẹ ọ rẹ te thahe Setan fiho otọawọ rai obọ na.

Ilezi 34:19

Ikpokpoma ohwo okiẹrẹe e rẹ jọ buobu; rekọ ỌNOWO ọ rẹ te thọ e no ae kpobi.

Aizaya 43:2

No whọ te nya ame vrẹ, me reti lele owhe jọ; gbe nọ whọ te nya ithẹ na vrẹ, i re le owhe hẹ; nọ whọ

be nya udevie erae, e rẹ maha owhe hẹ, ebruerae na ọ rẹ sae to owhe hẹ.

Rom 8:28

Whaọ ma riẹ nọ eware kpobi i bi ru iruo iwoma kugbe kẹ enọ i you Ọghẹnẹ rọ kẹ enọ a se fiki oreva Ọghẹnẹ.

1 Kọrint 10:13

Edawọ ọvuọvo o re bru owhe tha ha, ajokpa oghẹrẹ nọ u bi te ahwo kpobi; rekọ Ọghẹnẹ avọ ọteruo, ọ nọ o re je edawọ nọ ọ ro vi owhe o te owhe hẹ; rekọ ọ rẹ jọ eva edawọ na ru epanọ owhe rẹ rọ va ae abọ, re whọ ruẹse sai thihi-akọ riẹ.

Eviavia 3:12

“Ohwo nọ ọ kpare obọ me re ti ru ei odeę eva uwou egagọ-ode Ọghene me; ọ gbẹ sae no ete ofa ha, me re ti kere ode Ọghene me hię gbe ode ewho Ọghene me, Jerusalem Okpokpo na nọ o bi no obọ Ọghene me obọ odhiwu tha gbe ode okpokpo me.”

Eviavia 3:5

“ ‘Ohwo nọ ọ kpare obọ a re te rehọ iwu efuafo gọ e egọ, me re ti voro ode rię no obe uzuazọ na ha; me re ti woro ode rię via eva aro Ọse me gbe ikọ-odhiwu rię.’ ”

Eviavia 3:21

“ ‘Ohwo nọ ọ kpare-obọ, me re te rehọ oria ke keria eva agbara

uvie me, wọhọ epanọ me kpare-obọ nọ me je keria gba Ọse me eva ehru agbara uvie rię.’ ”

Eviavia 21:7

Ọnọ o fi kpareobọ ọ re te reuku eware kpobi; me ve te jọ Ọghene rię, ọ ve te jọ omọ me.

Eviavia 2:7

“ ‘Ọnọ owo ezọ jọ o yo epanọ Ezi ọta ke ichọche na. Rọke ọnọ ọ kpare obọ, ọye me re rọwo ke re ọ re ubi-ure uzuazọ, onọ orọ eva eri-udhedhe Ọghene na.’ ”

Eviavia 2:26

“Ọnọ ọ kpare obọ je ru iruo me te urere, me re te ke e udu nọ o re ro su erewho akpo na kpobi.”

1 Kọrint 7:10, 11 gbe 39

Rọ kẹ e nọ e be rọwo, mẹ rọ fiki Ọnowo ta nọ, aye ọ se ọzae riẹ hẹ. Rekọ o te ru ere, jọ ọ ye ọvo ọ jọ, hayo avọ ọzae riẹ a ruẹrẹ họ—ugbe fo re ọzae na o siobọ no aye riẹ hẹ. . . . Aye ọ rẹ sae se ọzae riẹ ba ha, nọ avię agbẹ rọ uzuazọ na. Rekọ ọzae o te whu no, aye na o wu uve nọ ọ rẹ rọ rehọ ọzae nọ ọ were riẹ evaọ ỌNOWO na.

Rom 7:2, 3

Keme aye nọ o wo ọzae ọ rẹ jọ otọ uzi ọzae riẹ eva okenọ ọzae na o re krite na kpobi, rekọ oteronọ ọzae na o whu no, yọ a ra riẹ no eva ifi uzi ọzae na no. Whaọ ere, oteronọ okenọ ọzae riẹ na ọ gberọ

akpọ yọ ọye avię a gberọ, o te no ere nya e rọwo ọzae ọfa a re sei obruẹnhwae. Oteronọ ọzae riẹ na o whu no, yọ a ra riẹ no eva uzi ọzae ọyena no, a gbe sei obruẹnhwae ofa ha, dede nọ ọ maki wo ọzae ọfa.

Luk 16:18

“Kohwo kohwo nọ o siobono aye riẹ, ọ jẹ rọwo ọfa, o bruẹnhwae, ọ nọ ọ rọwo onọ ọzae o siobono na o bruẹnwae.”

Matiu 5:32

“Rekọ mẹ ta kẹ owhai nọ, kohwo kohwo nọ o siobono aye riẹ, o gberonọ fiki ẹnwaeobro ho, o ru riei obruẹnhwae; onọ orọwo riẹ nọ a siobono i no na, o bruẹnwae.”

“Re me te nya e ruere oria ke owhai, me je te tha me ve te reho owhai, re oria no me ro wha re te jo etee re.” —Jon 14:3

“Me te tha vere; kru o no who wo ga, re ohwo ovo o se owhe etu-uvie ra ba emio.” —Eviavia 3:11

Mak 8:38

“Keme ohwo no o re te vuoma me gbe eme me eva o iraro oge obrenhwae avo izieraha onana, Omọ ohwo o re te vuoma rie re, no, o te reho oruaro Ose na tha avo emamo iko obọ odhiwu.”

Matiu 24:30

“Kesen a oka Omọ ohwo o te te via eva obọ ehru, kesena evere

akpo na kpobi a ve ti bruenu, a re te ru e Omọ ohwo no o te tha eva ehru igho obọ ehru avo ogaga gbe oruaro ulogbo.”

Jemis 5:8

Whai omarai wha wo ithihakọ re. Wha dikihe whawha, keme etha Onowo na o kele ino.

“Keme epano elo egbrara o re lo no obọ ovatha-ore tha ri te obọ ukiediwo-ore, ere etha Omọ ohwo o re te jo.” —Matiu 24:27

Matiu 25:31

“Reko no Omọ ohwo o te tha eva oruaro rie, gbe iko-odhiwu kpobi a vie, kesena ove te keria ehru akaba oruaro rie.”

1 Jón 3:2

Iyoyou, ma rọ emọ Oghene enena, oghere epanọ ma re te jọ o te via re he, rekọ ma rie nọ okenọ o te via ma re te jọ wọhọ ie, keme ma re te rue rie epanọ ọ rọ.

Eviavia 16:15

("Ri, Mę be tha wọhọ oji! Oghale ohwo nọ ọ jaja aro vi, nọ ọ sẹro iwu rie re a się e ba ẹruę ebẹba!") A te koko ae họ eva oria nọ a re rọ unu Hibru se nọ Amagedon.

Luk 12:40

"Wha ruere oma kpahe i re; keme okenọ wha roro ho Omo ohwo ọ re te tha."

Irueru Ikọ Na 1:11

Nọ a ta re nọ, "Whai ahwo Galili, eme wha je dikihe bi riwe kpohọ evaọ obọ ehru? Jesu ọvo nana nọ a jọ abọ rai rehọ vre kpo eva ehru na, je ruọ oghere nọ wha ruę nọ o bi ro kpohọ ehru na o je ti ro zihe tha."

Matiu 16:27

Keme Omo ohwo avọ ikọ-odhiwu rie a re te tha evaọ oruaro Ose rie, kesena ọ re te hwa omomovo osa epanọ iruo rie e rọ.

Luk 21:27

"Kesena a tete ruę Omo ohwo nọ ọ te tha evaọ ẹgho avọ ogaga gbe oruaro ulogbo."

Luk 21:33

Ehru gbe akpọ e rẹ te vrẹ, rekọ eme mẹ e rẹ te vrẹ hẹ.

Matiu 22:29

Rekọ Jesu o te yo kẹ ae nọ, “Wha roro thọ, fiki epanọ wha riẹ ikere-akere na gbe ogaga Ọghẹnẹ hẹ.”

2 Pita 1:21

Keme aroṣruẹ ọvo nọ o no obọ ohwo ze ọ te jọ họ, rekọ ahwo nọ Ẹzi Ẹri o mu ae a ta ẹme nọ o no obọ Ọghẹnẹ ze.

Ẹzi họ ọnọ ọ rẹ kẹ uzuazọ, uwo o rẹ sae kẹ erere ọvo ho; eme nọ mẹ ta kẹ owhai eye họ ẹzi gbe uzuazọ. —Jọn 6:63

2 Timoti 3:16

Ọghẹnẹ o gie ẹwolo ku ikerakere na kpobi, re e jọ erere rọ kẹ ewuhrẹ gbe ozọ-usio, avọ ọkpọvio gbe odhesẹkẹ eva ẹrẹreokie.

Eme ra me sinohọ eva eva mẹ re mẹ se owhe oware uyoma ba eruo. —Ilezi 119:11

Ilezi 119:105

Eme ra họ ukpẹ kẹ awọ mẹ, ọye họ elo kẹ edhere mẹ.

Wha re ku ovuovo gbe ẹme nọ me ro juzi kẹ owhai hi, hayo esino ho; re wha ruṣe koko izi nọ ỌNOWO na Ọghẹnẹ rai o je kẹ owhai. —Iziewariẹ 4:2

Published in numerous languages by the World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
Box 120
New Paris, Indiana 46553 U.S.A.

*Nigeria
Bendel*

Text reprinted from the Bible in Isoko by permission of United Bible Societies Africa Regional Centre, Nairobi, Kenya.

162 Isoko
Printed in USA

300K

150